

Informaziun dal Comun: te plaza da parchè dl implant portamunt "La Crusc" èl gnü metü jö n container por ciüf desfloris/dlacià y patüc de urt vedl. Al é proibì de mèt ite ater refodam y i trasgresurs gnarà straufà aladò dl regolamënt comunäl.

La müjiga de Badia inviëia düc i geniturs de mituns/mitans che à interès da sonè n stromënt dla müjiga, en mercui ai 25 de setëmber dales 20:00 tla Ciasa Runcher a n'incuntada. Tratan chësta Ves gnaral dè n valgönes informaziuns che reverda danter ater i posc tla scora de müjiga y les iscriziuns por les medaies de prestaziun (Leistungsabzeichen). Al nes fajess plajëi da Ves saludé en tröc.

Dal KVV de Badia vëgnel indò organisé:

n **curs de ginastica lisiera** cun musiga por porsones dla mesa eté insò cun Giovanna Moling. Al mèt man ai 08.10.2013, vigni mertesc dales 16:00 ales 17:30 te palestra dla elementara da S.Linert. Prenotesse pro Giuvana Clement al nr. 0471/839772.

Cursc de inglesc: cun la prof. Stull te biblioteca a Pedraces:

Pre-intermediate (progredis) che mèt man ai 23.09.2013 (sëra)

Elementary che mèt man ai 24.09.2013 (sëra)

Beginners I (prinzipianc) che mèt man ai 25.09.2013(sëra)

Beginners II (Ciasa dles Uniuns) che mèt man ai 08.10.2013 (daduman)

Pre-intermediate (progredis) che mèt man ai 05.11.2013 (sëra)

Info y prenotaziuns pro Cristina (0471/839657 o 333/1591599).

Cursc de lingaz: l'Sorvisc Formaziun Val Badia mèt a jì tl Istitut Ladin a S.Martin chisc cursc:

dal 03.10.2013 English Beginners/Elementary cun Alan Dunn

dal 03.10.2013 English Intermediate/Conversation cun Alan Dunn

dal 07.10.2013 Franzesc por prinzipianc cun Magdalena Lerchegger

dal 04.11.2013 Ladin por prinzipianc.

Info y iscriziuns pro l'Sorvisc al nr. 0474/523110.

En jöbia, ai 26.09.2013 complësc **Anna Pescoll Tasser** de Sotgherdëna **85** agn, en sabeda, ai 28.09.2013 **Maria Pitscheider** dla Villa Erica **84** agn y **Arcangel Pitscheider** da Rainé **81** agn, en dumënia, ai 29.09.2013 **Franz Irsara** da Castalta **84** agn. L'Seniorenclub y düta la Comunità ti aoda düte l'bun, sanitè, contentëza y benedisciun de Dì.



Usc dla Cüra

BADIA

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 43


Edema: 22.09. - 29.09.2013

Vangele dla Dumënia che vëgn - XXVI dl ann „C“

Dal Vangele do San Lüca 16,19-31

Te chël tëm্প à Gejù dit: Al è n iade n èl rich, che se vistì de purpur y lin fin y viò da dé a dé, s'la godon y s'la don bona. Mo dan la porta dl ricun èl ponü n püre èl, che à inom Lázarus, dal corp plëgn de plaies. Al s'ess ion parè la fan cun ci che tomà jö de mësa dl ricun. Cìnamai i cians gnò a ti lichè sùes plaies. Do che le püre è mort, èl gnü portè dai agnui tl gremò de Àbraham. Ince le rich é mort y é gnü sopoli. Tl somonn olach'al gnò tormentè da n gran dolor, àl ciarè sò y odò dalunc Àbraham, y Lázarus te so gremò. Dailò àl scraié: Pere Àbraham, mënete piçe de mé, y ortiëia Lázarus jö da mè; al dess almanco tocé la piza de so dèit t'ega y me renfreschè la lënga, deache chësc fùch me tichinëia.

Àbraham ti à respognü: Mi môt, pënza do, che t'as bele tratan túa vita ciafè túa pert de bëgn, Lázarus indere mà de stlet. Sëgn vëgnel consolè por chël, tö indere mësses pati. Implü èl danter nos y os n fossè dër sot che ne se lascia nia passè ia, tan che degügn ne sciafia da rovè da chilò ia da os, no da dailò ca da nos, gnanca sc'an oress. Spo à dit le ricun: Porchël te prëii, pere, ortiëiele tla ciasa de mi pere! Deach'i à ciamò cin' fredesc. Al dess i amoni, ch'ai ne röies nia ince èi te chësc post de tortöra. Mo Àbraham ti à dit: Ai à Mosé y i profec, ai dess ascutè chi. Al à respognü: Nou, pere Àbraham, mà sce un di morc röia ia da d'èi, se convertiarài. Sön chëra à Àbraham dit: Sc'ai n'ascuta nia Mosé y i profec, ne se lasciarài gnanca mazè ite de creie, sce un resorësc dai morc.



FUNZIUNS SACRES

22.09. XXV. DUMËNIA dl ANN C

- 10.00 Mëssa por la Comunità
15.00 Ora de adoraziun
18.00 †to Otto Pizzinini - aniversar
†ti Merch y Maria Irsara - aniversar
†ti Emma y Paul Wieser

23.09. Lünesc – Mëssa cun i crejimà y düc i studënc

- 19.30 †to Friedl Valentin
†to Sepl Anvidalfarei
†to Engl Trebo

25.09. Mercui – Mëssa cun i scolars dla elementara

- 07.30 en onur de San P.Pio da Pietralcina
†ti Paul y Emilia Pitscheider - aniversar
†to Pire Valentini

27.09. Vëndres


- 07.30 †ta Lina Alfarei - aniversar
†to Linert Valentin - aniversar
†ti Maria y Giovanni Adang/Nane y Edo Alfarei – aniv.

28.09. Sabeda – **Ss. Arcangeli Michil, Gabriel y Rafael**


- 07.30 Prozesciun da S.Linert a La Crusc
09.30 **La Crusc:** S.Mëssa
†to Davide Valentin
†ti dla fam. Eduard y Nina Tavella
por les families de Erich y Sepl Dapunt
14.00 Noza de Mutschlechner Roman y Karin Alfarei
16.00 Mëssa a Oies

29.09. XXVI. DUMËNIA dl ANN C

- 10.00 Mëssa por la Comunità
15.00 Festa da Bato
18.00 †to Eduard Adang – aniversar
†ta Nane Piccolruaz (dala Uniu dles Èles)
†tes Anna Costamoling y Monica Moling



Dala VITA dla CÛRA



Legio Mariae: chësc grup se abina en jöbia, ai 26.09.2013 dales 14:00 te dlijia por n'ora de oraziun. Düc é dagnara begnodüs.



En jöbia, ai 26.09.2013 se incunta dales 20:00 te dlijia l'grup "*Umes präia deboriada*". Düta la Comunità é inviada a tó pert.

L'Uniuon Èi / Kmb dl decanat Val Badia inviëia düc i èi y i jogh en vëndres, ai 27.09.2013 dales 19:30 ala **prozesciun** cun linternes dala dlijia de S.Linert a Oies. Tolesse na linterna o na ciandëra.

"Renové y aprofondì nosta fede": al vëgn fat por l'terzo ann chësc curs cun la referënta Michaela de Beyer vigni secundo mercui dai 25 de setëmber 2013 ai 30 de aurì 2014 dales 19:30 ales 21:00 te calonia a La Ila. Düc é dër bel invià y informaziuns ciafun sot a : www.glaubenserneuerung.de

Curs de formaziun sura la fede "La löm dla vita": organisé dal Cunsëi de Cûra da La Ila cun Padre Giuseppe y la Comunità Abbà inanter 3 incuntades de n dé y mez (vëndres y sabeda) ai 11 - 12 otober 2013, 15 - 16 novëmber 2013 y 4 - 5 mà 2014. Informaziuns pro Lilli al nr. 334/3360222 o pro Sandra al nr. 348/7821170.

Referat: la Cîasa de Palsa y l'Consëi de Formaziun inviëia siur Tone Fiung ai 24.09.2013 dales 15:00 tla Cîasa de Palsa a S.Martin a baié söl tema: "*Avëi ligrëza y ester cuntënc inçe sce i agn pësa*". Düc é bel invià.

Dankgottesdienst a La Val: en dumënia, ai 29.09.2013 saràl dales 15:00 na Santa Mëssa en **recort de Siur Videsott** y vijita a súa fossa.

Conzert "Ciantè a S.Maria": en dumënia, ai 29.09.2013 dales 16:00 te dlijia da La Plì, organisé dal E.p.L. adüm al Cor de dlijia La Plì, Cor de dlijia Corvara, Cor de dlijia Al Plan, Cor de dlijia Rina, Cor de dlijia S.Martin, Cor dles Ères Al Plan, Cor Col dla Vedla y grup strumënc a flé da La Plì. Düc é dër invià.